



SVEUČILIŠTE / UNIVERZITET "VITEZ"

VITEZ

Poslovni centar Vitez 96-2 , Vitez

Rektorat; Poslovni centar Vitez 96-2, Vitez

Menadžment ,Finansijska služba; Školska 23, 72270 Travnik, Bosna i Hercegovina ;
Studentska služba i Nastavna služba; Školska 23 72270 Travnik, Bosna i Hercegovina,
www.unvi.edu.ba

PRAVILNIK O OSIGURANJU KVALITETE

Na osnovu Statuta Sveučilišta/Univerziteta „VITEZ“ Vitez, Senat Sveučilišta/Univerziteta na svojoj 48. sjednici održanoj dana 24.10.2014. godine donosi sljedeći:

**PRAVILNIK
O OSIGURANJU KVALITETE SVEUČILIŠTA/UNIVERZITETA
„VITEZ“
VITEZ**

I Opće odredbe

Član 1.

U skladu sa Statutom Sveučilišta, član 6, ovim Pravilnikom propisuju se način, postupak, organizacija i područja vrednovanja, kao i djelovanje sistema za kvalitetu Sveučilišta/Univerziteta „VITEZ“ Vitez (u daljem tekstu Sveučilište/Univerzitet).

Član 2.

Cilj sistema za kvalitetu je izgradnja institucijskih mehanizama za sistemsko vrednovanje i koordiniranje inicijativa i razvojnih programa s trajnom svrhom osiguranja i unapređenja kvalitete te promicanja visokih standarda profesionalnog i stručnog razvoja sudionika u svim područjima djelovanja Sveučilišta/Univerziteta.

Član 3.

Organizacija i standardi djelovanja sistema za kvalitetu podliježu načelima, kriterijima i mjerilima vrednovanja učinkovitosti svih znanstveno-nastavnih programa rada i studijskih programa. U sistemu vrednovanja uvažavaju se posebnosti djelokurga rada svake pojedine organizacijske jedinice Sveučilišta/Univerziteta.

Član 4.

Kultura kvalitete gradi se u svim aspektima djelovanja i kroz sve normativne akte.

Član 5.

Svi sudionici Sveučilišta/Univerziteta (studenti, nastavnici, administrativno i tehničko osoblje, uprava) smatraju se unutarnjim korisnicima sustava za kvalitetu i promicateljima osiguranja i unapređenja kvaliteta Sveučilišta/Univerziteta.

Član 6.

Vanjski korisnici (druge razine sistema obrazovanja, privredni subjekti, lokalna i kantonalna uprava, zdravstvene ustanove itd.) uključeni su u provjeru valjanosti, svrsishodnosti i kvalitete rada Sveučilišta/Univerziteta a kao izvor podataka za vrednovanje i kao sastavni dio organizacione jedinice sistema za kvalitetu Sveučilišta/Univerziteta.

Član 7.

Područja vrednovanja sistema za kvalitetu:

- Pravila i postupci u trajnom osiguranju i unaprjeđenju kvalitete Sveučilišta/Univerziteta,
- Promjena sistema na svim razinama vanjske i unutarnje provjere (samoprovjere),
- Status studijskih programa,
- Upis studenata u studijske programe,
- Proces učenja i rad nastavnog osoblja,
- Proces vježbi i rad asistenata,
- Proces vrednovanja studentskog rada,
- Informiranost,
- Opremljenost za obrazovanje i znanstvenoistraživačku djelatnost,
- Informatička opremljenost i aktuelnost informacijskog sistema,
- Administrativno-tehnički resursi,
- Nadogradnja u primjeni akademskih standarda,
- Nadogradnja u primjeni studentskog standarda,
- Rad nastavne i studentske službe,
- Rad biblioteke, kvalitet udžbenika
- Javnost djelovanja.
- Međunarodna saradnja
- Organizacija i upravljanje
- Finansiranje

Član 8.

Vrednovanje kvaliteta rada na Sveučilištu/Univerzitetu vršiti će se u odnosu na poštivanje i provedbu:

- Zakona i podzakonskih akata relevantnih za visoko obrazovanje
- Statuta Sveučilišta/Univerziteta
- Pravila studiranja na sva tri ciklusa
- Strategije osiguranja kvaliteta
- Priručnika za osiguranje kvaliteta
- Pravilnika o organizaciji i sistematizaciji radnih mjesta
- Pravilnika o vrednovanju kvalitete rada
- Strategije i operativne strategije
- ovog Pravilnika

Član 9.

U skladu sa Statutom, član 6., Sveučilište/Univerzitet sprovodi kontinuirano na kraju školske godine postupak samovrednovanja i ocjenjivanja kvaliteta svojih studijskih programa, općih uvjeta rada, rada organizacionih jedinica za ostvarivanje obrazovne djelatnosti, organizacionih jedinica za logistiku i funkcionalnih jedinica, kvaliteta nastave i rada nastavnog osoblja. Prilikom samovrednovanja uzimaju se u obzir indikatori kvalitete za svako područje vrednovanja, a u skladu sa njihovim indikatorima navedenim u operativnoj strategiji, za period za koji se radi samovrednovanje.

Samovrednovanje provodi tim za samoevaluaciju u skladu s odlukom Senata. Samoevaluacijski izvještaj se usvaja na Odboru za kvalitet, a konačno mišljenje daje Senat.

Član 10.

Organizacione jedinice sistema za kvalitetu Sveučilišta/Univerziteta su:

- Odbor za kvalitetu Sveučilišta/Univerziteta
- Centar za unapređenje kvalitete Sveučilišta/Univerziteta

Organizacione jedinice sistema za kvalitetu djeluju integrirano i dijele odgovornost za osiguranje i unapređenje kvalitete u svim područjima djelovanja Sveučilišta/Univerziteta uz punu suradnju sa Rektorom Sveučilišta/Univerziteta i dekanima Fakulteta.

Član 11.

Odbor za kvalitet Sveučilišta/Univerziteta se osniva ovim Pravilnikom.

Član 12.

Sastav Odbora:

1. Prorektori
2. Dekani Fakulteta;
3. Izvršni menadžer Sveučilišta/Univerziteta
4. Direktor Centra za unapređenje kvaliteta Sveučilišta/Univerziteta
5. Po jedan predstavnik nastavnog osoblja sa svakog Fakulteta (ukupno četiri predstavnika)
6. Rukovodilac nastavne službe;
7. Rukovodilac studentske službe;
8. Rukovodilac IT službe
9. Po jedan predstavnik studenata sa svakog Fakulteta za sva tri ciklusa studija (ukupno tri predstavnika)
10. Direktor Instituta
11. Predstavnik Pravne službe

Odbor iz svog sastava bira predsjednika i zamjenika predsjednika.

Mandat članova Odbora traje 4 godine.

Član 13.

1. Odbor upravlja sistemom za kvalitetu Sveučilišta/Univerziteta. Odbor provodi strateško planiranje i donosi odluke o smjernicama i postupcima osiguranja i unaprjeđenja kvalitete.
2. Odbor predlaže Senatu konkretne projekte i aktivnosti te potiče inovacije i razvoj u svrhu osiguranja i unaprjeđenje kvalitete.
3. Odbor osigurava djelotvornost postupka unaprjeđenja kvalitete i nadzire učinkovitost sprovođenja internih mehanizama za osiguranje i unaprjeđenje kvalitete na sastavnicama Sveučilišta/Univerziteta, te razmatra i usvaja samoevaluacijski izvještaj.

Član 14.

Sukladno nadležnostima iz čl. 7. ovog Pravilnika predsjednik Odbora redovito i najmanje jednom godišnje Senatu podnosi izvješće o svom radu i učinkovitosti djelovanja svih organizacionih jedinica sistema za kvalitetu.

Član 15.

Odbor u suradnji sa Rektorom i dekanima uređuje javnost rada i podataka na razini pojedine sastavnice cijelog Sveučilišta/Univerziteta.

Član 16.

Centar za unaprjeđenje kvalitete Sveučilišta/Univerziteta (dalje Centar) je organizaciona jedinica Senata.

Član 17.

Sastav Centra:

- Direktor Centra,
- Stručni saradnici centra.

Član 18.

1. Centar u suradnji s Odborom razvija, mrežu za upravljanje i unaprjeđenje kvaliteta Sveučilišta/Univerziteta i integrisanje u nacionalnu mrežu za unaprjeđenje kvalitete.
2. Centar u suradnji s Odborom pokreće i koordinira inicijativu i sprovođenje razvojnih programa u svrhu kontinuiranog osiguranja i unaprjeđenje kvaliteta.
3. Centar utvrđuje karakteristične indikatore kvalitete i organizira njihovo sistemsko praćenje i posebice:

- predlaže standarde i kriterije kvalitetnog funkcionisanja organizacionih jedinica Sveučilišta/Univerziteta,
- razvija postupke vanjskog i unutarnjeg vrednovanja, metode za istraživanja različitih aspekata kvalitete obrazovanja kao i različitih ciljnih populacija (studentata, nastavnika, administrativnog osoblja, rukovoditelja, poslodavaca, javnog mnjenja),
- provodi analize i prikuplja informacije o kvaliteti od svih korisnika sistema,
- istražuje uzroke nekvalitetnog, neefikasnog i predugog studiranja,
- uspostavlja sistem interne kontrole, kao i temeljne pretpostavke upravljanja kvalitetom,
- osigurava povratne informacije od studentata i usmjerava njihove sugestije, prijedloge i kritike,
- organizira, sprovodi i obrađuje ankete studentata vezano za kvalitet rada profesora i asistenata.

Član 19.

Centar surađuje sa svim organizacionim jedinicama Sveučilišta/Univerziteta koje vode, usklađuju poslove organizacije, izvedbe i razvoja studija na Sveučilištu/Univerzitetu.

U programe Centra uključuju se studenti naročito kroz:

- Raspravu o kvalitetu na Sveučilištu/Univerzitetu,
- Sprovođenje anketa i sl.

Član 20.

Centar u suradnji s Odborom izrađuje godišnji i dugoročni plan aktivnosti. Centar djeluje u skladu s planom nakon što ga Senat usvoji.

Centar o svom radu podnosi izvješće Odboru za kvalitet, Senatu na njihov zahtjev i prema potrebi.

Član 21.

Odbor za kvalitet Sveučilišta/Univerziteta prati unapređenje kvaliteta na Sveučilištu/Univerzitetu, Fakultetima i svim organizacijskim jedinicama.

Član 22.

Kvalitet na Sveučilištu/Univerzitetu sprovodi se u skladu sa zakonima i propisima koji reguliraju ovu oblast.

Član 23.

Danom primjene ovog Pravilnika prestaje da važi Pravilnik o sistemu za kvalitet 124/14 od 06.02.2014.godine.

Član 24.

Ovaj Pravilnik stupa na snagu osmoga dana od dana objavljivanja na oglasnoj ploči Sveučilišta/Univerziteta.

Broj: ___/14

Datum: ____.____.2014.godina

Predsjednik Senata
Prof. dr Vinko Kandžija, rektor